

師

律

師律卷之八目錄

守第八

小序

守城圖說

守城全圖

約束

清野

設伏

派民夫

師律

卷之八目錄

一

定時候

分塚伍

分信地

守敵臺

嚴巡邏

設官巡

增遊兵

立城柵

一出令

別男女

禁妖譌

嚴盤詰

察奸細

嚴奸盜

防火

謹司更

申號令

設浮棚

設奈何

設門筭

填巷間

鋪街衢

立桅竿

立草廠

整器械

備雜物

備傳警燈火

目終

師律卷之八

吳橋范景文質公輯

守城第八

小序

古有掌固之職，掌修城隍，溝塹，樹之固，蓋盡人力以修內治，易所謂設險者此也。有司險之職，司九州之圖，以周知其山林川澤之阻，蓋因地勢，用險阻爲外防，禮所謂城郭溝池以爲固者此也。古之善守者，不盡恃有形之險，而所以不可升，不可攻者，則尤在乎明。

禮義立紀綱。修法度。三者皆具。階級旣明。而人不得以陵犯。等威復嚴。而人不敢以踰越。則亂形不見於事。亂萌先絕於心。千萬人一心。千萬心一城。又何狡焉啓疆之敢作耶。奈何法壞紀弛。上下相離。人各異志。所在解體。自成潰形。卽城高池深。兵利儲厚。而人心不堅。將焉用之。則保固斯民。其今日急着乎。而所以保固之道。不必損上以益下。但使有民責者。無爲民擾。不害其生。而民得以安生。不

防其業而士得以樂業是非明人心奮人人
樂於效公家家競於赴義戶各爲保鄉各爲
障聚弱成勇聚勇成強聚強成勢勢成強立
威望旋彰義聲隨遠器械以斯利兵力以斯
壯城以斯堅池以斯深無待出師而敵愾已
奪以是爲險乃稱金甌之固耳

守城圖說

兵法曰守城之道無恃其不來恃吾有以待之
無恃其不攻恃吾有所不可攻故善守者敵不

師律

卷之八

二

知所攻、非獨爲城高池深、卒彊糧足而已、必在乎智慮周密。計謀百變。古人所以坐而役使敵國之道也。此雖得禦攻之計、然又要先審可守之利害。凡守城之道有五敗。一曰壯夫寡、小弱衆。二曰城大而人少。三曰糧寡而人衆。四曰蓄貨積於外。五曰豪彊不用命。加之外水高而城內低、土脈踈而池隍淺、守具未足、薪水不供。雖有高城、宜棄勿守。亦有五全。一曰城隍修。二曰器械具。三曰人少而粟多。四曰上下相親。五曰

要
看
敵
人
如
何
被
攻

刑嚴賞重。加之得太山之下。廣州之上。高不近
旱。而水用足。下不近水。而溝防省。因天時。就地
利。土堅水流。險阻可恃。兼此形勢。守則有餘。凡
守之道。敵來逼城。靜默而待。燕輒出拒。候其矢
石可及。則以術破之。若遇主將自臨。度其便利。
以彊弩叢射。飛石併擊。斃之。則軍聲俱喪。其勢
必遁。若得敵人稱降。及和。切勿弛備。當益加守。
禦防其詐。我若敵攻已久。不拔而去。此爲疲師。
可因而襲之。必破。此在明哲見利而行。不可泥。


也。古法曰：三里之城，萬家守之足矣。今若遇敵逼近，人力不暇者，卽且約容一軍人馬，如築於閑時，湏稍寬濶，作四門，二開，二閉。門外築瓮城，城外鑿濠，去大城約三十步，上施釣橋。壕之內岸，築羊馬城，去大城約十步。凡上城皆有女牆，每十步及馬面背上，設敵棚、敵圍、敵樓、瓮城。敵圍，城角也。有戰棚、棚樓之上，有白露屋。城門重門，插板鑿扇。城之外，四面有弩臺，百敵棚之城門，常設兵守，以觀候敵人，圖列於左。

設兵守以觀候敵人圖列於左


守城諸具全圖

卷八

城制



卷八




右平陸築城、下濶與上倍、其高又與下倍、假如
城高五丈、則下濶二丈五、上濶一丈二尺五寸、
其城外甕城、或圓或方、視地形爲之、高厚與城
等、惟偏開一門、左右各隨其便、羊馬城高一
丈以下八尺以上、亦偏開一門、與甕城門相背、
若甕城門在左、卽羊馬城門在右也、女牆高可
五尺、壕面各隨其地爲濶狹、大要在面濶底狹、
其深及泉、使箭砲難及卽佳、壕橋直對羊馬
城門、若城門汲水、須在城外、則甕城羊馬城各

山海關
歡喜嶺
人言宜
作一城
附關
即此意

更對開一門、以通汲路、惟不得對大、門、若依
山帶河、地勢不便、則大城須爲偃月形、開三門
而已、餘不改平陸之制、甕城上各設戰棚、其
製與敵樓同、間數視城之廣狹、其山林則又擇
前後左右、取去大城、隨山形、別築一城、令與大
城相接、必盡據高地、外亦開塹、兩城之中、或設
摩臺、以馬遠候、賊至、卽以兵專守、免先爲賊所
據、下窺城中虛實、今秦州、邠州、城皆若是也

羊馬牆



此城雖無池有此羊
馬牆石釘車不能攻

羊馬牆在城外濠上、濠岸不拘寬狹、狹則一丈、寬則二丈、其外爲牆、磚石三合土俱可、牆身對一雉下、底開一大將軍銃眼、以人不可鑽入爲則、此牆每高三尺、平過五尺、爲一小銃眼、可容佛狼機、眼上加一直縫、高三寸、濶二寸、便眼瞭、高下應賊、此眼上再三尺、又眼一層、此眼只用手銃、不用大火器、牆脊用斧刀、磚石、以防立賊登此牆、用長柄大斧、棍擊落、無可偷襲、弩臺上狹下濶、如城制、高與城等、面濶一丈六尺、長三


步與城相接臺相距如之上通濶道臺上架屋制如敵棚三面垂濡氈以遮垂鍾板備繩梯內容弩手十二人棚上三面立牌遮箭棚上容弓弩手十二人隊將一人置五色旗及鼓弩弓櫓木砲石火礮等伺寇至舉旗爲號令臺城上見之皆舉旗應寇東來舉青旗南舉赤旗西舉白旗北舉黑旗來復還舉黃旗寇進望其至發弩射之其用砲櫓如城上法

戰城北設
棚周所


白露臺

敵樓

此城面
馬所設







團樓
此城角所設



白露屋以竹榆柳條編如穹廬狀外塗石灰有門有竅中容一人爲候望每敵樓戰棚上五間置一所兩傍施木拒馬籠籬篋下隱人持泥漿麻搭備火攻敵樓前高七尺後五尺每間濶一步深一丈棚上下容十二人城愈濶則愈深上施搭頭木中設雙柱下施地袱仍前出三尺用四柱備矢石所摧上密石椽覆用石灰三尺泥之被濡羶在椽袱首裹以牛革防火箭敵樓制與戰棚同

備



金釘

<p>  100 00 000 </p>	<p>  100 00 000 </p>
<p>  100 00 000 </p>	<p>  100 00 000 </p>


釣橋造以榆槐木其制如橋上施三鍊環貫以二鍊索副以麻繩繫屬於城樓上橋後去城約三步立二柱各長二丈五尺開上山口置熟鍊轉輪爲槽以架鍊索并繩貴其易起若城外有警則樓上使人挽起以斷其路亦以護門城上常以砲及弓弩禦敵慮以火燔燒及被攻砍

鐘板

簾




狗脚木




卷八

皮竹筴





木馬子




垂鐘板長六尺濶一尺厚三寸用生牛皮裹開
箭窗施施戰棚前後有伏兔枋子木篋籬笆
以荆柳編成長五尺濶四尺漫以生牛皮背施
橫竿長七尺用於戰棚上以木馬子倚之在女
牆外以狗脚木樹之皮竹笆以生牛皮條編
江竹爲之高八尺濶六尺施于白露屋兩邊以
木馬倚定開箭窗可以射外木馬子一橫木
下置三足高三尺長六尺狗脚木置二柱于
女牆內相去五尺準牆爲高下上施橫木鈎掛

插版



暗門


卷八



牐版制用榆槐木、廣狹準城門、漫生牛皮、裹鐵葉、傍施鐵環、貫鍊索、凡大城門、去門闔五尺、立兩頰木、木開池槽、亦裹鍊葉、寇至、以絞車自城樓上、抽貫鍊索、下牐版于槽中、外實土、防火攻、內枝柱、防傾折、暗門者、不用牐版、鑿門爲數十孔、敵逼城門、強弩射之、更於兵出入便處、潛鑿城爲門、外存尺餘、勿透、備出兵襲敵、其製高七尺、濶六尺、內施排沙柱、上施橫木搭頭、下施門闔、

厠馬厠

機橋




陷馬坑、長五尺、濶三尺、深四尺、坑中植鹿角槍、竹簗、二物皆削尖入火令堅、其坑排如字、或解、或爲之、覆其芻艸、或上種艸苗、務令敵人不覺、凡臨來路、及城門內外皆設之、

機橋用一梁、仍爲轉軸、兩端施橫栝置溝壕上、賊至去栝、人馬蹙則翻、


地澁

鹿角木


卷八





鍔疾藜



擗蹄



鎮菱角



鐵菱角如鐵蒺藜布水中刺人馬足

鐵蒺藜竝以置賊來要路使人馬不得騁古所謂渠答也木蒺藜以三角重木爲之

鹿角木擇堅木如鹿角形者斷之長數尺埋入地深尺餘以闔馬足


地澁以逆鬚釘布版上版厚三寸長約三尺濶約二尺五寸密鋪要路鈎絡相連

擣蹄闢四木爲方形徑七寸中橫施鐵逆鬚釘其上亦攔馬路之具

凡壕中遇天旱水淺則布鐵菱角於水中城外
有溪陂可絕者亦布之大城外遍植鹿角水

木女牆


塞門刀車




卷八

十七


木
桶



夜
叉
桶



埴
桶




飛鉤

狼牙拍

車脚桶

泥桶



木女牆頭形制如女牆以板爲之高六尺濶五尺下施兩輪施枋木二條凡敵人攻城摧壞女牆則以此代之

刀車以兩輪車自後出鎗刀密布之凡爲敵攻壞城門則以車塞之

木橛以木體重者爲之長四尺徑五寸

夜叉橛一名畱客佳用濕榆木長一丈徑一尺周回施逆鬚出木五寸兩端安輪脚輪徑二尺以鍊索絞車放下復收並以擊攻城蟻附者


塼槓如槓形燒塼爲之長三尺五寸徑六寸
狼牙拍合榆木爲箕長五尺濶四尺五寸原三
寸以狼牙鐵釘二千二百箇皆長五寸重六兩
布釘於拍上出木三寸四面施一刃刀刃入木
寸半前後各施二鐵環貫以麻繩釣於城上敵
人蟻附登城則使人掣起下而拍之

車脚槓以繩繫獨輪以絞車放下復收


泥槓用緊慢土調泥入猪鬃毛馬尾毛鬣三十
斤搗熟捍成長二三尺徑五寸

飛鈎一名鐵鷂脚鈎鋒長利四出而曲貫鐵索
以麻繩續之凡敵人被重甲頭有盔笠又畏矢
石不得仰視候其聚處則擲鈎於稠人中急牽
挽之每鈎可取三兩人

撞車




絞車




絞車、合大木爲牀、前建二叉、手柱上爲絞車、下施四卑輪、皆極壯大、力可挽二千斤、凡飛梯、木慢、逼城、使善用搭索者、遙拋鈎索、掛及梯慢、併力挽令近前、卽以長竿舉大索、鈎及而絞之、入城、

撞車、上設撞木、制如榨油、撞法、以鐵葉裹其首、遂便移徙、伺飛梯臨城、則撞之、

麻搭




水囊



鎮撞木






水袋




下城絞車

繩梯

唧筒



穿環



鐵撞木木身鐵首其首六鐵鋒鋒大三指長尺餘鋒尖爲逆鬚其竅貫鐵索凡木驢逼城卽自城上以轆轤絞鐵撞下而斷之皮革皆壞乃下燕尾炬燒之

水袋以馬牛雜畜皮渾脫爲袋貯水三四石以大竹一丈去節縛於袋口若火焚樓棚則以壯士三五人持袋口向火蹙水注之每門置兩具水囊以猪牛脰盛水敵若積薪城下順風發火則以囊擲火中古軍法作油紙囊亦便

麻搭以八尺桿繫散麻二斤，蘸泥漿，皆以燧火絞車，立兩頰木，橫施轉軸，施十字絞木，垂兩繩，下貫踏版，乘之上下。


繩綵以巨繩繫橫枕爲較梯，凡登高則用之。唧筒用長竹下開竅，以絮裹木桿，唧竅唧水。

穿環鍛鐵，或屈柔腮木爲大環，以索繫之，則用撞車及城，則舉環穿掛車，一併力挽繩，隨以弓弩兩傍射之，其車必翻射，仍勿止。


車下人多不被甲，當遁走。

急絕健卒擲薪以焚之。

甕聽



風扇車





竊聽用七石甕覆於地道中、擇耳聽人、坐聽於
竅下、以防賊鑿地道迎我、若賊開地道迎我、則
急以霹靂火毬、毒藥烟毬薰灼之、其棒燭、鍤燈
籠、皆用地道中點照、

風扇車二柱二枕、高濶約地道能容、上施轉軸、
軸四面施方扇、凡地道中遇敵人、用扇颺石炭、
鑪火毬、煙火害敵人、

布幔

皮簾




旋繩結
網不能
禦矢


布幔以複布爲幕、度矢石來處、以弱竿張掛、去
城七八尺、居女牆之外、以折矢石勢、一說結鹿
繩爲網、如布幔張掛、亦可護女牆樓櫓、
皮簾以水牛皮爲之、濶一丈、長八尺、橫綴皮耳
七箇、凡城上有關遮蔽、則張掛之、

獨脚旋風砲用大柱夾木二、上下腰繫木二、軸一、鍊束二、狼牙釘八、弦子一、皮卯月二、梢一、鴟頭一、鍊蝎尾一、皮窩一、搜索四條、繫索條、凡一砲五十人拽、一人放、放五十步外、石重三斤、其柱須埋定、卽可發石、守則施、施城上戰棚左右、手被敵近則用之、砲竿一、蝎尾一、鍊環一、皮窩一、用二人放、石重半斤、


獨脚旋風砲




旋風車砲




臥車砲




旋風五砲




合砲




雙稍砲



右雙稍砲、用脚柱四、上扇桃二、下扇桃二、上會
 桃二、下會桃二、鹿耳四、夾軸端、捲頭木二、楔二
 十、梢二、鴟頭木一、鵝項一、極竿一、鍊蠋尾二、鍊
 束四、狼牙釘十六、絃子二、皮窩一、繫索二十五
 根、索五十。




七稍砲



右七稍砲、用脚柱四、上扇桃二、下扇桃二、上會
桃二、下會桃二、軸一、鹿耳四、夾軸兩端罨頭木
二、楔二十、稍四、鴟頭四、鵝項一、極竿三、鍊蜴尾
二、鎖束四、狼牙釘十六、絃子二、皮窩一、繫索五
十、搜索一百二十五、凡一砲二百五十人搜、二
人定放、放五十步外、石重一百斤、


虎蹲砲、用前後脚柱四、下扇枕二、上會枕二、下
會枕二、軸一、罨頭木三、楔六十、稍一、鴟頭木一
極竿一雙、鍊蝎尾一、鍊束二、狼牙釘十八、絃子
二、皮窩一、繫索六、拽索四十、凡一砲七十人拽
一人定放、放五十步外、石重十二斤

虎蹲砲




五稍砲、用脚柱四、上扇枕二、下扇枕二、上會枕二、下會枕二、軸一、鹿耳四、夾軸罨頭木二、楔二十、稍三、鴟頭一、鵝頂一、板竿二、鍊蝎尾二、鍊束四、狼牙釘十六、絃子二、皮窩二、繫索四十五、拽索八十、凡一砲百五十七人拽、二人定放、放五十步外、石重七八十斤、二砲守具、設於大城門左右、擊攻城頭車。

五稍砲



單稍砲


卷八



右單稍砲、用前後脚柱四、上扇枕、下扇枕、上會
梳一、下會梳一、鹿耳四、夾軸兩、端軸一、罨頭木
二、楔十六、梢一、鴟頭一、板竿一、鍊雙蝎尾一、鍊
束二、狼牙釘十八、絃子二、皮窩一、繫索六、拽索
四十、凡一砲四十八人拽、一人定放、放二十步
外、石重二斤、

砲車


卷八




右砲車、大木爲牀、下施四輪、上建獨竿、竿首施羅匡木、上置砲稍、高下約城爲準、推徙往來、以逐便利、其施放及用物、一準常砲法、

行車砲

卷八



行車砲



大
砲

卷
八




三
六


凡砲皆軍中利器也、旋風、單稍、虎蹲、尤便于師
行、若燔芻糧、積聚、及城門、敵棚、頭車之類、則上
施火球、火鷄等器、以放之、

覆簾制爲土色凡地道兩傍皆橫鑿洞穴可容
十八執刀藏穴中外垂簾爲蔽與土色無別若
敵人攻奪地道則出兵捍之

土色
壇簾



拐突鎗



抓鎗

拐刃鎗



鈎竿




卷八



剗手斧

叉竿



右拐突鎗桿長二丈五尺上施四稜麥穗鐵刃連袴長二尺後有拐


抓鎗長二丈四尺上施鐵刃長一尺下有四逆鬚連袴長二尺

拐刃鎗桿長二丈五尺刃連袴長二尺後有拐長六寸鈎竿如鎗兩傍加曲刃竿首三尺裹以鐵葉施鐵刺如雞距

割手斧直柄橫刃刃長四寸厚四寸五分濶七寸柄長三尺五寸柄施四刃長四寸並用於敵


護戰棚蹈空版丁鈎刺攻城人及砍攀城人手
之卒長二丈兩岐用叉吹叉飛梯及登城

望樓




望樓高八丈，以堅木爲竿，上施版屋，方濶五尺，上下開竅過人，竿兩旁釘尋峰八十箇，用索三棚，上棚四條，各一百二十丈，中棚四條，各一百尺，下棚四條，各八十尺，尖鐵櫪十二箇，各長三尺，櫪端穿鐵環，凡起樓用鹿角木二，各長一丈五尺，深埋之，出地八尺，用鐵叉層竿數條，如船上建檣法，版屋中置望子一人，手執白旗，以候望敵人，無寇意則閉之，旗竿平則寇近，垂則至矣。寇退徐平之，寇去復卷之。

火球




鑊火球防夜之攻城用也墜之半城中燃以松
油火光下散我能見賊賊不見我每十垛置一
具發燭咸易



飛炬

燕尾炬




火藥鞭箭

鞭箭

鍍火床


遊火
鐵箱



每繩長如稍之
體不必拘定君
千條但能舉其
稍可矣每繩用
二人扯之

此處轉


此竭尾套在
稍頭掛之



此繩人墜起
礮自發石去




此處安大石
子不向數塊
亦不向方圓
平厚鳩尾既
掛令雙手墜
石俟前扯起
放去

礮石用人車起打去之形



礮法武經雖載而獨行砲單架者甚明鮮入悟之故重開明其勢守城第一器也。既省火藥之費又有不乏之資。

神武少櫛




神權

神武火槓其製或鍍或木或磁造備數千具遇
警安在要地之間或以一人傳火或賊入犯經
盪其傳神銃千里蛇神機針神權彈一發自應
數十里之遙若寇虜犯在套內任百萬之衆無
一生歸矣

一應避難之人、牛馬之類、昏夜難辨、不敢開城、皆可暫于牆內收避、此牆恃城爲險、城恃牆爲衛、緩急則城上人可以助力、張威、若守牆人不
用命、城上可以瞭見、但此牆施于水深河寬之
城、未見其力、若施于無濠之城、萬分賴之、且避
難之人、可無入城矣、

弩臺



約束

守城之法。凡寇賊將至。於城外五百步內。悉伐木斷橋。焚棄宿草。撤屋烟井。有水泉皆投毒藥。木石磚瓦。芟芻糗糧。畜牧與居民什器盡徙入城內。徙不逮者焚之。

凡委積及樓棚門扇門棧。但火可攻及之處。悉皆鋪覆泥塗。棚樓下隨處積糶木桶石鎗斧及他短兵。外立弩車砲架。棚樓女牆上加篋籬竹笆。城中立望樓。籍民中壯男爲一軍。以充防人。

壯女爲一軍。以隸雜役老弱爲一軍。以供飲餉。放牧樵採。三軍無得相過。主將延問軍中奇謀。勇力。機捷。趺弛。精伎。辯口之士。如雞鳴狗盜之類。無不加禮。以備防用。城上每將各立一典掌。呼索百用。先作小旗數十枚。有呼索卽大書物名。貼旗於上。舉以示城下。仍預簡較備用之物。各爲部分。使吏主當謹伺。見舉旗。則應送。城上城下百部。給雜役三五十人。掌負挈所須索物。仍各授一官督領。衢巷通夜張燈燭。察姦人出。

入與軍士之私相過從者。量城止一步。置一甲。
等十步。增五人。防非時。抽易五步。有五長。十步。
有十長。百步。有將。別令虞候領戰隊。作雌雄契。
持以巡城。所至與守隊勘同。乃過。若賊勢外振。
上心內貳。則或轉左隊。以爲右。易前軍。以置後。
或一日數易。或數日不移。又間使人持偽契。巡
行。以驗試將士。

凡城中給百川。至於水漿。皆有限量。令民竈爲
大井。高突。防火。仍預下令。凡失火者。斬柱姦人。

也。或城內有火發，只令本防官吏領丁徒赴救，仍急報將主將遣左右親信人促往。

凡城中失火，及非常警動，主將命擊鼓五通。城上下吏卒聞鼓，不得輒離職，掌民不得奔走街巷。

凡賊至城外，禁城中不得妄舉高物如竿表之類，及吹擊樂器，恐賊內應。

凡城中有使至門者，徑進詣主將裨較，民吏不得輒見。如得城中飛書，不得輒讀，將送本營對。

衆封送主將。

凡有曉星氣術數人悉收隸官府不得與他人竊語及禁論說怪異以惑衆者。

凡號令一出主將并副將以下不得專異指揮悉依條件。

虎鈴經曰城上一步一甲卒十步加五人以備雜供之用五步有伍長十步有十長五十步百步皆有將長文武相兼量才授任而統領精銳驍勇或十隊或二十隊或三十隊大將副將各

領隊巡城。曉諭激勸。赴役城上。六四隊別立四表。以爲攻城之候焉。若敵欲攻之處。去城十六步。卽舉一表。撞梯逼城。舉二表。敵若登梯。舉三表。欲攀女牆。舉四表。夜卽舉火。如表法。城上四隊之間。各置八旗。若須木標枋板。舉蒼旗。須灰炭銅鐵。舉赤旗。須礪木。舉黃旗。須沙石磚瓦。舉白旗。須水湯不潔之物。舉黑旗。須皮氈麻索。鑊鐵。舉雙兔旗。須戰士銳卒。舉熊虎旗。須戈戟弓矢刀劍。舉驚旗。當主之官。隨色

而供城內老少嬪女除營城食外皆令應役於城上分爲八隊使識文字者點簡常旂與八部也

清野

四關百姓入城避兵凡關外一切私財除盡數搬入城中外其長木大板席薄木鐵家火柴草休留一件一則徒爲賊所毀二則賊借之爲攻城之具萬分慎之城外有大樹宜伐之近城尤宜防禦城內無馬路不可城外三丈內有房

此最緊
關事莫
速而人
之城方
可守

屋賊勢衆撤之撤之不及則焚之。係木壁者一
焚而淨。卽日可守。係磚石爲壁者。賊遠則居民
不服。賊近則撤燬不前。若賊以百數。伏屋脊外。
射擊守城人。賊衆將屋內打通。牆壁扛梯木到
城下。可以徑登。或就民房中。運土幫城。起圍而
登。皆無可奈何。有近城一丈以內者。城身又低
於屋內。不守之城也。竹木行貨多附郭。若不移
徙。皆賊攻城之具也。須仰各商將已登岸者。依
期速運入城開賣。其在水各排。移去五六十里。

外隱僻小港中暫置以待賊過復業如違俱入
官公用城外各鄉鎮大户收米在家與夫糶糶
待價者着落里保一聞警報嚴催搬運入城任
民開糶堆積止許城中糶賣不許粒米出城其
倉賸搬運難盡者有司嚴督糧長糶買上倉如
有不肯預期搬運棄遺在鄉致資盜糧者其米
入官爲養守城兵夫之用仍查大户有以牛酒
錙幣開門延寇俱係通賊之家查炤律例從重
梟示

設伏

炤城外要口四面、共有幾處、每處撥三人、每人管二更、俱於每日午時、領起火六枝、手銃四口、各炤派過信地、方可出城、離三二里之遠守伏、每至次日午時、有人交代、方許回家、若遇有賊在近、每路每方、加撥五名、每人止執一更、各備三眼銃一把、起火六枝、燈籠一盞、黃旗一面、雨具一副、如白晝遇賊至、卽放手銃三箇、起火三枝、搖展黃旗、馳回中軍高處、炤給過號、令接應。

城內人丁又焰中軍號令上城守禦如夜遇賊至伏路人先覺卽放手銃三箇起火三枝一面奔告城下中軍高處瞭見焰給過號令舉動廠內人乘城備戰如有人出伏遲期及備該隨身前項火藥不如法藥繩藥線濕落不堪雨具不整及在外之人不候交代而輒回家者通以軍法細打一百割耳如有悞事軍法示衆如賊來伏路人在外不截要口哨伏偷藏人家屋廠園林之內睡熟悞事致賊突入城下攻城者伏路

人俱軍汰示衆。

派民夫

城固是
爲朝
延守然
閩城安
家樂業
於此一
瑕則百
瑕矣然
實入卑
戶備販
自家輕
生或念
亦輕畢
竟足貧

守城必派樵夫、編夫、難論門戶有數間住一家者、有一間多住數家者、此與火夫論間、雇人巡夜不同。蓋括滿城丁壯守滿城垛口。各人各顧其家。事到忙時。誰不上城。誰肯安心坐家。任從賊攻城乎。又誰是我父母子孫。替我守城。全我一家性命乎。明思之。

一賣菜、販水、傭工、貧棍、朝來暮去之人、免編

一六十以上無兒，老夫婦又無住房，使令之人者，免編。

一寡婦十五以下，幼子又無住房，使令之人者，免編。

一士大夫及武弁隨主將巡城提調，本身免編。
一瞽目殘疾勞瘁之人，又無住房，使令之人者，免編。

偶疾者不准。

一每垛口須用兩人，或三人，輪流喫飯宿歇，解

手搬運。若只一人豈能站一日一夜。不勞倦乎。賊乘勞倦而攻之。豈有精力鬪敵哉。

一編夫守城要近。各人住處不得遠過里半二里。若不分遠近。亂編者官吏重究。

次總計城垛若干。城中或軍或民人丁若干。每次或二名。或三名。仍書姓名於垛牆。一日一夜輪班更換。又每百垛或五十垛擇殷實有用者一人爲甲長。一人副之。青衣裝束。各帶腰刀一把。號旗一面。其散人夫各備號衣一件。或紅或

黃長柄鎗刀一件。又鐵斧一口。或鐵錘亦得。如缺一件。細責。如有軍丁多剩。增派衝要之處。

定時候

凡警報未急之時。每蚤天明。吹打一通。守城人下城。每晚吹打一通。守城人上城。有聲息之日。鼓樓上放砲三聲。各家一齊出門。再砲三聲。各家一齊上城。再砲三聲。各塚口信地站滿。第二次放砲。須待一炷香盡。第三次放砲。須待二炷香盡。三次砲畢。再遲一炷香。撞鐘三百六十下。

自衛 卷之八 三
統率官各烙信地查有不到者以軍法處治

分垛伍

五垛爲一伍置木牌上總書姓名每夜一人守一更向外觀外迭相輪換常有四人穩臥精力不疲緩急有備每更置一小旗上貼更分夜巡姓名如趙甲一更錢一二更之類巡更者執旗在手只瞭望五垛口城下有無奸細一有賊至叫醒同伍執持灰瓶石塊器械擊打庶使數步之內易於瞭望五垛爲一廠擇年壯膽勇者一

名爲梁長

分信地

四圍之城大勢四門各四官四隅又分四官統領各臺至一臺又分一頭目管領各強弱搭配兵若干名分定信地庶事有責成

守敵臺

敵臺上垛口每垛用兵三名選擇勇力者傾身外望以背向裏遠近彼此互相顧視將各臺編以字號分以信地別以號旗金鼓响罷畫觀旗

色夜聽號聲仍各將字號旗色响繩犬書垛牆使各熟認俱吹敵臺爲准如天字號敵臺左邊向地字號敵臺管垛若干地字號敵臺右邊向天字號敵臺管垛若干兩臺中分信地假如天字號該管四十垛吹十垛爲一號第一號十垛用紅旗用鼓則大書日觀紅旗夜聽鼓聲八字於垛牆第二號十垛用黃旗用鑼則大書日觀黃旗夜聽鑼聲八字於垛牆第三號十垛用青旗用喇叭則大書日觀青旗夜聽喇叭八字於

城牆第四號十塚用白旗用木柵則大警日觀
白旗夜聽木柵八字於塚牆其餘敵臺塚口皆
然倘日賊犯天字第一號信塚城下該管敵臺
上搖紅旗夜犯天字第一號信塚城下該管臺
上起鼓信守兵夫一齊戒嚴俟擊左右城樓各
遊兵到彼應援兩邊敵臺相向互爲摧擊其餘
臺塚官兵非信地者不許亂動各門雖無警亦
加戒嚴不許擅離信地應援恐賊聲東擊西乘
虛而上庶防守嚴切而靜應不擾如臺兵失悞

以軍法重治

嚴巡邏

各垛兵勤惰不一。須常稽察。第使人人點名。吏更喧嚷。則守垛者不能睡臥。精神困疲。非計也。當以城門爲限。如東門至南門之類。每門設巡邏兵十名。置小紅旗一面。中書巡邏字。每更兵二名。輪班絡繹巡視。各止挑燈執旗。往來垛口。不許叫喝打梆搖鈴。若有垛夫熟睡。不行瞭望。并垛口燈火斷滅者。隨掣更旗。次蚤總巡官處。

稟究。仍行喚醒點燭。不許擅自喝打。賣法稟究。

設官巡

設巡邏役。尤恐疎虞。每門另選武職官二員。各與馬匹。置立更牌更箭。如東巡至南門。時值二更。東門官將一更箭。交付南門城樓上官驗收。南門官隨付二更牌。與東門爲驗。輪番迭周。次蚤送總巡官處查考。若各官將牌箭私授。不親巡警者。查出以軍法重治。其巡警官。先察巡邏十人。次早各塚口。偶有睡熟失瞭。隱燈者。擊其

更旗巡旗次蚤并送總巡官處究治亦止許燃
視不得呼喝敲梆警擾守垛之人

增遊兵

各營又設遊兵五十人分爲二隊俟有警協力
策應禦敵仍先示約凡遇夜間賊集衆攻門左
許放火箭三枝再緊發銃三箇十分緊急鳴鑼
三通原派本門遊兵一面禦敵總管另帶枝兵
應援一門有警各門堅壁固守不得輕動以防
聲東擊西之患尤禁垛兵驚擾離次至於疾風

暴雨。半夜黎明。人易懈弛。賊每乘間。尤宜申飭。

立城柵

上城處豎立柵門。撥人看守。不許守垛兵私下。亦不許令閑雜人潛上。止放飯換班開放。至晚中軍放砲。則封鎖不開。

一出令

守城號令。俱聽主將。分守各隅者。不得各出所見。

別男女

用婦人披掛棚立不可與少男壯子相雜恐生
姦邪

禁妖譌

敢言怪異及妄傳言語者俱悞事之尤軍法窮
治

嚴盤詰

凡詰奸須立木柵在濠之外百步陳兵守衛而
詰之城門之下又嚴兵而待之遇警則閉今人
聞警輒將城門晝閉或止開一門或日開二次

而詰奸又在城門之內、外避難之人、一擁而入、又孰從詰且辨之、又每敵臺左右、各置小吊車四五架、以便兵上下、及逃難者吊人之法、婦女隨卽吊上、若係男子、須審其聲音、實址、方許吊入

察姦細

城中最可慮者、恐奸細潛伏、必須各項口嚴設木柵、輪保甲、以爲防守、伺昏明、以時啓閉、不拘士夫、舉監生員吏役人等、排家輪守、不許撓越

十家共一保結。互相按簡。若有奸細不行舉覺。事發連坐。每一木柵須置丁夫或十人或二十人。各執械把守。立一人爲巷長統領之。以司巡邏。而防奸細。賊將逼城。先集保長給與連坐信牌。使各保自行曉諭。各甲自相糾察。如有容留姦細者一甲連坐。軍法重治。其寺觀給發住持各房互相糾察。賊退卽收信牌。開時預先刻小牌計在城甲數。每甲一張。印完以便臨時給發。

嚴姦盜

壯丁上城家中無人看守。小人乘機爲姦爲盜。但有拿獲真賊者。不分強竊。當時打死。示衆。其飲食不足之人。開具守本稟官賑借。炤出存恤。

防火

攻城多伏奸細。城中放火。守城者奔抹。則乘隙而登。須設兵數枝。或五十名。或百名。擇城當心處。或寺觀居寓。專司救火。其城中各坊。着保長總小甲各分信地。多備水桶。簾斗。鐵鈞。麻搭。竹梯。斧鋸。每一方火起。卽本坊保甲同火兵救之。

不得亂嚷守城兵夫各顧垛口。就使本家失火。不許離次。若本坊保甲救援不力。致有延蔓。及不係本坊居民。乘機搶火者。查出以軍法重治。其城中居民近城者。不宜堆積稻草柴蒿。恐城外火箭飛入起火。故宜禁諭。少則收藏。多則移置隙地爲便。

謹司更

遇夜五垛之人各炁垛向外立。聽中軍放砲落燈。五垛內輪一人守更。專向外立。餘俱安睡。一

更盡吹長聲喇叭三聲轉更又一垛輪起守過者進睡不許脫衣。餘更俱如之。若夜間忽聽中軍砲响車起雙燈是有賊來攻城各不論支更不支更盡數出向垛口望外立。一處有賊擂鼓敲鑼滿城舖俱擂鼓敲鑼。一舖鑼鼓止挨舖通止。如賊已退候中軍落燈放砲各丁就睡。輪該之垛。炁舊執更。然城中奸細內應必待夜深而發。以更鼓爲候。若賊臨城時譙樓更鼓只打初更。二更則止。候黎明卽打五更收擂。以誤其期。

此篇號
令最切

使不得發亦一法也

申號令

凡一廠內一人不至。或夜歸私家。連坐塼長。各打二十棍。本犯割耳。同塼同廠連坐。遇賊攻打城池之時。而不到者。本犯軍法示衆。塼長割耳。同塼同廠。細打。如旗廠。器械矢石火銃鑼鼓之類。一件不完者。本犯細打。坐連同塼同廠。五塼以上。本官旗細打。衛城五舖以上。所城二舖以上。掌印官及分管官細打。臨賊攻城之時。以發

敵少。及放火器。不如泚者。本犯軍泚示衆。焰前
坐者。皆割耳。回頭者。割耳。擅行動者。割耳。見
賊人大言喧嘩者。或被傷高叫警走者。遵焰臨
陣退縮軍泚示衆。夜驚者。治其所繇。同殿同塚
本管官旗連坐。中軍高處接應。在外并墩堠號
令遲悞者。掌印官重治。瞭堠司號之人。軍泚示
衆。各舖內遇守城時。或致種火斷滅。與凡傳敲
鑼鼓。或起或止不明。俱罪該管官。凡伏路人已
舉火號。而中軍接應遲延毫刻。或砲鬆不致大

自
卷
三
響以致在廠之人聽聞不明。及燈籠不亮者。致賊突到城下。攻城登雉。掌號鼓手。瞭望人役。以軍法示衆。決不貸。掌印官細打一百割耳。

設浮棚

須於垛外蓋出浮棚。每扇約濶三四尺。或長六七八尺。不拘環城接連。駕設之。法或用小木。或竹。每根比棚濶三四尺。以一半伸出垛外。一半放入垛內。其外閣浮棚。棚上壓以磚石。天晴加置石灰數包於其上。內用繩縛墜石虛懸。若賊

加梯棚上則棚軟不乘其梯其磚石墜擊城下而內懸木石墜落牆內守堞者且自警覺若賊置梯棚下而上登其棚觸首一移動而亂石又墜矣

設奈何

堞牆之間監架奈何木其製堅立架木二根機關橫挑木各一根上閤一木謂之奈何木木上錯綜釘以竹簾其木之輕重與挑木相稱倒綴虎怕荊每荊一束用小指大草繩三尺長一頭

繫荊束一頭縛二三十斤重石塊將石連繩纏於木荊垂牆頭之外邊賊來襲攻既不能攀援而上又不能飛越而入一經移動磚石下墜荊木隨落賊自取傷而守堞兵夫且又驚覺卽拋打磚石傷賊必多因其無可奈何故謂之曰奈何木也

設門筭

城之內兩邊馬道口頭壘砌堅牆直與街房相接牆下留門以便百姓出入去城門一丈遠掘

塹坑一道寬五尺深一丈長通街之兩邊坑底用鋒利槍頭長一尺釘於板上滿坑鋪之坑邊釘小橛以麻繩往來絡之上布以席席上浮土務與地平不可辨認待其攻門開時自然一擁爭進落陷坑中城上以橛石亂下死者有人彼不敢再進矣百姓若要行走則於塹坑兩頭鋪連三大板仍用欄杆當之恐一失脚入塹不可活矣

填閭巷

師律

卷之八

奎

松、栢、榆、柳、棗、棠、椒、枳等枝稍俱將枝頭削尖、迎稍向外堆羅巷中、高可丈餘、厚可十步、賊若進城、馬自難前。

鋪街衢

用連三大板、長通兩街、寬可一丈、釘長三寸、四指一釘、板陷地中、釘與地平、以土覆之、馬蹄箇箇傷損。

立桅竿

先於本城高處、可以四面瞭視之地、立桅竿一

根長五尺、上用棕繩一條、懸黃布十二幅、大旗一面、卽於旗竿下、或就樓舖、或立廩房、預備新亮燈籠四盞、雙燈一盞、油燭、大將軍、碗口响砲四口、以原坐營兵將守之、其隨銃應該木馬、火藥、火繩、送子等件、俱備足、仍撥好軍十名、專管種火一盆、日夜分班、四瞭城外伏路、號火銃砲、撥吹鼓手八名、平時無警之日、天明吹打一通、催守城人下城、晚吹打一通、催守城人上城、每更盡吹喇叭二聲、催人換更。

立草廠

每垛口五箇、立草廠一間、下用板鋪、勿使泥濕、傷人、上用苫蓋、四面皆堪遮蔽風雨、遇至樓鋪者、卽聽以樓鋪充之、不必另立、每廠竹竿一根、長一丈三尺、上用布旗一面、疊方二幅、顏色、城方向

整器械

兵技第一大佛狼機、其次鳥嘴銃、又其次弓矢、至於刀斧則其下矣、如事急、人人能舉、用之不

各面宜
設西洋
大砲一
粒有輪

著
可
後
初

竭。無如磚石也。各城樓及對城外衝要之處各置佛狼機一座、隨用裝火器二人、帶火藥一桶、備急用。其城樓下預置合用火器、鋒利器械、弓弩、又堅固防牌、如賊臨城隨取、隨于官廳庫中置放石灰、油燭、火藥等項、備用。若庫中封識不足、借附近居民空房亦可。然一切火器、利仰利平、惟弩利俯、須預造弩千餘張、矢用二樣、白箭則劈竹爲之、鹽水浸過、淬以毒藥、鐵箭用圓直小竹爲幹、鐵鏃亦裹毒藥、只插入竹內、人拔之

師律

卷之八

守城

重

急用時
城中人
礎礮
階石皆
可移

鏃不出其人卽死、白箭宜遠、鐵箭宜近、黔中苗
弩亦可用、但木檐太長、稍欠健耳、每礮口有幾
丁、每丁用一尺高、有底通節粗竹筒一箇、埋在
礮口裏面、各軍所執器械、或短鎗、或斬馬刀、或
鳥銃、或弓矢、插於竹筒內立之、恐其暗約奸細
上城、焰會疎虞處、用雲梯而登、故守礮兵夫、又
須各持一斧、分班站立、專視城足、每礮下要石
子五六斤重、以至一斤半重者、高圓三尺、一堆
大圓石可五六十斤者、五塊、如指辦不及、卽令

避賊人於進城之時各納數塊

備雜物

硝黃鉛鐵火器之用關係匪輕不可棄以資敵
官販冶坊多在城外須先查舖行及冶坊姓名
遇有警報着該地方甲保押催硝黃鉛鐵及諸
鐵器搬運入城仍專差官逐一親往查訪違者
治以與賊交通之罪其貨沒官公用甲保不報
一體問究如有公用焰時價將銀現買灰礮毒
藥修砌等項俱資石灰仰各寄戶領價依期送

運石灰、封識沿城內寺院、以備急用、其灰礮亦
令瓶窰戶領價、做造輕薄小礮、略燒、不宜太堅、
惟宜預備、城上燒賊、必資稻草乾柴、先期派價、
與柴戶糧口、領買千萬束、堆置空閑倉廩、以須
急用、油燭守城之要務、不可缺乏、須查各城外
一應油行、販舖、仰甲保、於有警之日、押民依期
搬運菜油、荳油、槽油、桐油、蔴油、白蠟等項入城、
聽從開賣、如有公用、焰時、價現銀交易、仍督官
挨查、不依期搬入者、連總甲枷號、其油入官、鐵

匠、箭匠、弓匠、弩匠、竹匠、木匠、火藥匠、及石匠、俱預多留城中、以備急用、城門下備水缸、一以濟渴、一以備火、城上每五垛置一大水缸、貯水備用、每號頭備卓一張、筆硯一副、小紙條寬一寸者一百、以備緩急取要寫字傳知、麻搭二副、火鈎二副、以防火、多設焰城燈籠、防夜後有賊、鑿城、以黑暗處垂索求入城中放火、亂軍。

備傳警

每垛備竹木梆一箇、每舖備大小鼓二面、鑼二

面每舖用快馬數匹、以傳警急、各敵臺、各備起火流星、事急則燃之、本面遊兵、接應各舖、備火種一盆、不許種絕

備燈火

每垛一燈、三垛懸一燈、落地、用新油紙者、方明亮、燈上用一油紙蓋、以防雨蓋上、仍壓一小瓦片、以防風、若箴蓆蓬蓋尤嘉、每燈製一挑竿、索懸城下、離地七尺、庶使賊抵城下、我能焰見我、瞭垛口、賊不見我、換燭、卽輪更之人、不許誤事、

歟懸索宜細止勝一燈庶賊不能攀躋每十垛
用一火毬所費比油燭減易

師律卷之八終